

Tshiamiso Trust e ne ya tlhonga go duela badiri botlhe ba gone jaanong le ba maloba ba kwa meepong ba ba neng ba dira kwa go epe ya meepo ya gouta e e tshwanelegang e le 82 magareng ga 12 March 1965 le 10 December 2019, mme ba ile ba tsenwa ke bolwetse jwa silicosis kgotsa TB ka ntlha ya tiro ya bone.

Thulaganyo e ba ka e latelang kgato ka kgato ya go dira dikopo ke eno.

Kgato 1



TLHOLA DINTLHA TSA GAGO

- Tlhola gore a go ka direga gore o bo o tshwanelwa ke go dira kopo:
 - <https://www.tshiamisotruster.com/status-check/>
 - leletsa lefelo le le fanang ka thuso mogala: 0801 000 240
- Fa e le gore o ka tswa o tshwanelwa ke go dira kopo o tla kaelwa gore kgato e e latelang ke efe.

Trust e tlile go nna le dikgato tsa go netefatsa bakopi go thibelang bogodu.

NTLHA YA BOTLHOKWA:

Fa go kgonega, leka go tlhomamisa gore e nne wena o tlholang seno go na le go kopa mongwe o sele gore a go tlholele.

Kgato 2



DIRA THULAGANYO YA GO TLA GO DIRA KOPO

- Go dira thulaganyo ya go etela ofisi e e gaufi le wena ya go dira kopo ya Tshiamiso leletsa lefelo le le fanang ka thuso. Go tla rulagangwa diofisi di le 56 tsa TEBA mo dinageng di le tlhano gore di thuse ka thulaganyo eno ya go dira dikopo mo Trusteng.
- Mafelo a a tlamelang ka thuso:
 - Aforika Borwa – 0801 000 240
 - Kwantle ga Aforika Borwa: 00 27 10 500 6186 (Lemoga se: fa o letsetsa nomoro eno mogala o tlile go utlwa ekele o tshwaregile. Fa o fetsa go utlwa se, mogala o tlile go kgaoga, mme o tlile go amogele mogala mo metsotsong e e sa fediseng pelo e e latelang, mme mogala o, o tlile go tshwaragangwa kwa call sentheng.)

NTLHA YA BOTLHOKWA:

Ka ntlha ya kotsi ya COVID-19 re kopa gore o se ka wa ya kwa ofising ya TEBA o sa rulaganya pele le bone ka ofisi e e fanang ka thuso. Fa go dirilwe thulaganyo pele seno se thusa gore re tlhomamisa gore go na le badiri ba ba lekaneng. Ope yo a yang kwa ofising a sa dira thulaganyo pele ga a na go thusiwa.

Kgato 3



SE O TLA TLHOKANG GO TLA LE SONE FA O TLA DIOFISING

- Tokumente e e mo tirisong ya ID kgotsa phasepoto
 - Direkoto go tswa kwa dimaeneng tse o berekileng kwa go tsone
 - Direkoto dipe fela tsa bongaka
- Fa e le gore o losika la modiri wa kwa meepong yo o tlhokafetseng o tla tlhoka:
- Tokumente ya gago e e siameng ya ID kgotsa phasepoto
 - Tokumente ya ID kgotsa phasepoto ya moswi yo o neng a dira kwa dimaeneng
 - Direkoto go tswa kwa dimaeneng tse moswi a neng a dira kwa go tsone
 - Setefikeiti sa loso sa moswi yo o neng a bereka kwa dimaeneng le pego ya tlhatlhobo ya se se bakileng loso, fa sele teng
 - Direkoto dipe tse di teng tsa bongaka tsa moswi yo o neng a dira kwa dimaeneng

Tlhomamisa gore o tla le ditokumente tsotlhe tse o nang le tsone go dira gore o se ka wa tshwanelwa ke go rulaganya go boa gape o tlisa ditokumente tse o sa di tshwarang.

Fa e le gore ga o na dingwe tsa ditokumente tse di umakilweng fa go dimo Tshiamiso e tla dira se e tla se kgonang go go thusa go di bona.

Trust e tlile go nna le dikgato tsa go netefatsa bakopi go thibelang bogodu.

NTLHA YA BOTLHOKWA:

Fa o sena ditokomane tsotlhe tse di umakilweng kwa godimo, Tshiamiso e tlile go dira bojotle go go thusa go di bona.

Kgato 4



DITLHATHOBO TSA BONGAKA GO GO THUSA GO BONA TUELO

Fa go tlhokega, Trust e tla go thusa go dira dithulaganyo tsa gore go dirwe ditlathlombo tsa bongaka mo go wena gore o kgone go bona dituelo.

Trust e tlile go nna le dikgato tsa go netefatsa bakopi go thibelang bogodu.

NTLHA YA BOTLHOKWA:

Trust e tla go bolelela gore o ye kwa kokelong efe ya kalafi go ya go tlathlhabiwa gone. Re kopa gore o nne pelotelele. Go ka direga gore o tshwanelwe ke go leta ka gonne go se na mafelo a a lekaneng a dikokelong.

Kgato 5



TSHEKATSHEKO YA DITOKUMENTE E E DIRWANG KE LEKOKO LA TSHIAMISO LA GO TLHOMAMISA DILO TSA BONGAKA

Ditokumente tsotlhe tsa gago tsa kalafi di tla sekasekwa ke lekoko la Tshiamiso la go Tlhomamisa Dilo tsa Bongaka. Ba tla ntsha Setefikeiti sa Tse di Bonweng fa go Dirwa Tlathlombo ya Bongaka.

- O ka dira kopo ya gore go sekasekwe tshwetso ya lekoko mo lobakeng lwa malatsi a le 30.

NTLHA YA BOTLHOKWA:

Fa o fitlhelwa o se na bolwetse jo bo dirang gore o bo o tshwanelega go bona tuelo eno, ga o na go tshwanelegela go bona tuelo go tswa go ba ga Tshiamiso Trust.

Kgato 6



TSHEKATSHEKO E E DIRWANG KE KOMITI YA DITLHOMAMISO YA TRUST

Fa mo Logatong la botlhano (5) go fitlhelwa o na le bolwetse jo bo dirang gore o tshwanelwe go bona tuelo, ditokumente tsotlhe tsa gago di tla sekasekwa ke Komiti ya Ditlhomamiso ya Trust. Ba tla dira tshwetso ya gore a o atlegile ka kopo eno ya gago.

Fa tshwetso e le gore kopo ya gago e se ka ya atlega, tshwetso eo e ka sekasekwa gape mo lobakeng lwa malatsi a le 30.

NTLHA YA BOTLHOKWA:

Fa e le gore e a tlhomamisiwa, komiti eno e tla ntsha Setefikeiti sa bofelo fa Legato lwa bosupa (7) lo se na go wediwa.

Kgato 7



TSHEKATSHEKO E E DIRWANG KE DITLAMO TSE DI EMELANG DITLAMO TSA MEEPO ENO

Fa Komiti ya Ditlhomamiso ya Trust e dumalana le kopo e, baemedi ba meepo ba tshwanetse go tlhomamisa gore a tshedimotsetso ya direkoto tsa tiro e feletse.

NTLHA YA BOTLHOKWA:

Fa fela o sena go feta kgato eno, ke gone komiti eka neelang ka setefikeiti sa bofelo.

Kgato 8



GO NTSHIWA GA TUMELELO LE TUELO

Fa ditokumente tsotlhe tsa gago di sekasekilwe tsa ba tsa amogelwa, Trust e tla netefatsa gore a tshedimotsetso ya gago ya banka e siame mme e tla duela madi mo akhaontong ya gago ya banka.

NTLHA YA BOTLHOKWA:

Trust gape e tla go naya kgakololo e e maleba ka tsa madi.